

**O‘zbekiston Respublikasi Milliy statistika qo‘mitasi huzuridagi
Jamoatchilik kengashi yig‘ilishining**

BAYONI

2025-yil 11-aprel

1-son

Toshkent shahri

Raislik qildi: Y.A. Abdullayev – Jamoatchilik kengashi raisi.

Qatnashdilar: Jamoatchilik kengashi a‘zolari, Milliy statistika qo‘mitasi raisi o‘rinbosarlari va tegishli tarmoq boshqarma boshliqlari.

KUN TARTIBI:

I. Milliy statistika qo‘mitasi huzuridagi Jamoatchilik kengashi faoliyatining 2025-yil I chorak yakuni bo‘yicha tahlili;

II. “2025-yil uchun Statistika dasturi” doirasida 2025-yil I chorak yakuni bo‘yicha bajarilgan ishlar to‘g‘risida;

III. Xalqaro hamkorlik va axborot almashinuvi hamda Milliy barqaror rivojlanish maqsadlari bo‘yicha amalga oshirilayotgan ishlar;

IV. Aholini ro‘yxatga olish ishlariga tayyorgarlik ko‘rish va ularni amalga oshirish bo‘yicha amalga oshirilgan ishlar;

V. Milliy statistika qo‘mitasi faoliyatida korrupsiyaga qarshi kurashish sohasida olib borilayotgan ishlar holati tahlili;

VI. Ijro intizomi bo‘yicha I chorak yakuni bo‘yicha bajarilgan ishlar.

(Y. Abdullayev, S. Gulyamov, U. Abdurasulov, Y. Abdullayev)

Milliy statistika qo‘mitasi huzuridagi Jamoatchilik kengashi (keyingi o‘rinlarda Jamoatchilik kengashi) raisi Y.A. Abdullayev kun tartibidagi masalalar bilan ishtirokchilarni tanishtirdi.

I. Milliy statistika qo‘mitasi huzuridagi Jamoatchilik kengashi raisi Y. Abdullayevning 2025-yil I choragi yakuni bo‘yicha kengash faoliyatiga doir hisoboti.

Jamoatchilik kengashi raisi Y.A. Abdullayev tomonidan 2025-yil “Atrof-muhitni asrash va “yashil” iqtisodiyot yili” yili doirasida tizim oldiga belgilab berilgan topshiriqlar ijrosini sifatli va o‘z muddatida ta’minlash borasida 2025- yilning I choragida amalga oshirilgan ishlar haqida ma’lumot berildi.

Xususan, O‘zbekiston Respublikasi Prezidentining 2025-yil 24-fevraldagi “Statistika ishlarini tashkil etish va yuritish tizimini yangi bosqichga olib chiqish bo‘yicha qo‘shimcha chora-tadbirlar to‘g‘risida” PF-27-son Farmonining mazmun-mohiyati yuzasidan so‘z yuritildi.

Shuningdek, O‘zbekiston Respublikasi Prezidentining “Davlat organlari va tashkilotlarining faoliyati ochiqligini ta’minlash hamda jamoatchilik nazoratini samarali amalga oshirishga doir qo‘shimcha chora-tadbirlar to‘g‘risida”gi Farmonida belgilangan vazifalar hamda mazkur Farmon bilan Jamoatchilik kengashi nizomiga kiritilgan asosiy o‘zgarishlar borasida to‘xtalib o‘tildi.

Jumladan, davlatimiz rahbarining “Davlat organlari va tashkilotlarining faoliyati ochiqligini ta’minlash, shuningdek, jamoatchilik nazoratini samarali amalga oshirishga doir qo‘shimcha chora-tadbirlar to‘g‘risida”gi Farmoni ijrosini ta’minlash maqsadida statistika tizimi faoliyatiga oid hisobotlar (davlat sirlari va xizmatda foydalanish uchun mo‘ljallangan ma’lumotlar bundan mustasno) qo‘mitaning rasmiy veb-saytida muntazam ravishda e’lon qilib borilmoqda.

Shuningdek, Jamoatchilik kengashi tomonidan turli yo‘nalishlar bo‘yicha tadbirlar tashkil etilib, mavjud kamchiliklar muhokama qilinib, muammolar o‘z vaqtida bartaraf etilishi bo‘yicha chora-tadbirlar ishlab chiqilyapti.

Xususan, quyidagilar to‘g‘risidagi ma’lumotlarni O‘zbekiston Respublikasining Ochiq ma’lumotlar portaliga va o‘z rasmiy veb-saytlariga joylashtirib, har chorakda yangilanib borilmoqda:

- amalga oshirilgan davlat xaridlari, shu jumladan to‘g‘ridan-to‘g‘ri shartnomalar bo‘yicha xarid qilinadigan tovarlar;

- mansabdor shaxslarning xizmat safarlari va xorijdan tashrif buyurgan mehmonlarni kutib olish xarajatlari (xizmat safarining yoki tashrifning maqsadi, sutkalik pul, transport va yashash bilan bog‘liq xarajatlar, bundan davlat sirlari va xizmatda foydalanish uchun mo‘ljallangan ma’lumotlar mustasno);

- o‘zlarining yillik xarajatlar smetasi va uning ijrosi, shu jumladan obyektlarni qurish, rekonstruksiya qilish va kapital ta’minlash ishlari, avtomototransport vositalarini sotib olish xarajatlariga oid ma’lumotlar.

2025- yilning I choragida Milliy statistika qo‘mitasi faoliyati hamda sohaga doir qabul qilingan me‘yoriy-huquqiy hujjatlarning ijrosi va tahliliga qaratilgan matbuot anjumani, turli uchrashuv va konferensiyalar tashkil etildi. Ularda keng jamoatchilik vakillari va ommaviy axborot vositalari xodimlari ishtirok etib, o‘zlarini qiziqtirgan savollarga atroflicha javob olishdi.

Joriy yilning 4-yanvar kuni Toshkent davlat iqtisodiyot universitetining “Iqtisodiy statistika” kafedrasida professor-o‘qituvchilari uchun “Norasmiy va yashirin iqtisodiyotni statistik baholash natijalari” mavzusida [master-klass](#) tashkil etildi.

2025-yil 9-yanvar kuni O‘zbekiston Respublikasi Prezidenti huzuridagi Statistika agentligi tomonidan BMTning Osiyo va Tinch okeani uchun iqtisodiy va ijtimoiy komissiyasi (ESKATO) ekspertlari bilan [onlayn uchrashuv](#) tashkil etildi.

2025-yilning 14–19-yanvar kunlari kambag‘allikdan maqsadli chiqish bo‘yicha Xitoy Xalq Respublikasining tajribasini o‘rganish maqsadida [xizmat safari](#) tashkil etildi.

2025-yil 20-yanvar kuni Statistika agentligida Toshkent davlat iqtisodiyot universiteti “Iqtisodiy statistika” kafedrasida bitiruvchilarining [magistrlik dissertatsiyalari himoyasi](#) bo‘lib o‘tdi.

Joriy yilning 22-yanvar kuni Statistika agentligida O‘zbekiston Respublikasi Prezidentining 2024-yil 4-martdagi “O‘zbekiston Respublikasi Prezidenti huzuridagi Statistika agentligi faoliyatini tashkil etish chora-tadbirlari to‘g‘risida”gi PQ-114-son qarorida belgilangan vazifalar ijrosini ta‘minash maqsadida hamda 2025-yil 4-7-mart kunlari bo‘lib o‘tadigan BMT Statistika komissiyasining 56-sessiyasi yig‘ilishining me‘yoriy hujjatlarini tayyorlash va ko‘rib chiqish doirasida birinchi [onlayn seminar](#) tashkil etildi.

2025-yilning 30-yanvar kuni Statistika agentligida BAAning Dubay shahrida o‘tkazilgan “[Iqtisodiy statistika uchun sun‘iy intellekt va ma‘lumotlar ilmi](#)” xalqaro simpoziumi yuzasidan taqdimot yig‘ilishi bo‘lib o‘tdi.

2025-yilning 27–31-yanvar kunlari Xalqaro valyuta jamg‘armasining Kavkaz, Markaziy Osiyo va Mo‘g‘uliston davlatlari uchun salohiyatni rivojlantirish mintaqaviy markazi tomonidan "[Kuzatilmaydigan iqtisodiyot](#)" mavzusida [seminarida](#) Statistika agentligidan Makroiqtisodiy indikatorlar va milliy hisoblar boshqarmasining mas‘ul mutaxassisleri ishtirok etishdi.

O‘zbekiston va Janubiy Koreya statistika idoralari o‘rtasida statistika sohasidagi hamkorlikni yanada kengaytirish va ikki tomonlama masalalar bo‘yicha tajriba almashish doirasida 2025-yil 6-fevral kuni videokonferensaloqa shaklida [uchrashuv](#) bo‘lib o‘tdi.

2025-yilning 3–6-fevral kunlari Qirg‘iz Respublikasining Bishkek shahrida Markaziy Osiyo davlatlari uchun Birlashgan Millatlar Tashkilotining Statistika bo‘limi (UNSD) tomonidan Barqaror rivojlanish maqsadlari uchun statistik ma‘lumotlar va metama‘lumotlar almashinuvi (SDMX) bo‘yicha [mintaqaviy seminar](#) o‘tkazildi.

2025-yilning 14-fevral kuni ESKATO statistika byurosi a‘zolarining navbatdagi [yig‘ilishi](#) bo‘lib o‘tdi.

Joriy yilning 14-fevral kuni Statistika agentligida Buyuk Britaniyaning Oksford universiteti xalqaro ekspertlari bilan [onlayn uchrashuv](#) bo‘lib o‘tdi.

Joriy yilning 20-fevral kuni O‘zbekiston Respublikasi Prezidenti huzuridagi Statistika agentligida BMTning Aholishunoslik jamg‘armasining O‘zbekiston Respublikasidagi vakolatxonasi rahbari bilan kelgusidagi hamkorlik masalalari yuzasidan [uchrashuv](#) tashkil etildi.

Joriy yilning 20-fevral kuni Statistika agentligida O‘zbekiston Respublikasi Prezidentining 2024-yil 4-martdagi “O‘zbekiston Respublikasi Prezidenti huzuridagi Statistika agentligi faoliyatini tashkil etish chora-tadbirlari to‘g‘risida”gi PQ-114-son qarorida belgilangan vazifalar ijrosini ta‘minlash maqsadida hamda Birlashgan Millatlar Tashkiloti Statistika departamentining 2025-yil 4-7-mart kunlari BMT Statistika komissiyasining 56-sessiyasi yig‘ilishining me‘yoriy hujjatlarini tayyorlash va ko‘rib chiqish doirasida [onlayn seminar](#) tashkil etildi.

Joriy yilning 24–27-fevral kunlari Janubiy Koreyaning Tedjon shahrida Koreya statistika boshqarmasi (KOSTAT) tashabbusi bilan aholini ro‘yxatga olish bo‘yicha o‘quv seminarida Statistika agentligi delegatsiyasi: Ro‘yxatga olish jarayonlarini tashkil etish va o‘tkazish boshqarmasi boshlig‘i hamda agentlik xodimlari aholini ro‘yxatga olish bo‘yicha [tajriba almashish maqsadida](#) amaliy tashrif bilan ishtirok etishdi.

2025-yilning 4–5-mart kunlari Tojikiston Respublikasining Dushanbe shahrida elektron chiqindilar bo‘yicha [II Markaziy Osiyo forumida](#) Milliy statistika qo‘mitasidan Qishloq xo‘jaligi va ekologiya statistikasi boshqarmasi mutaxassisi ishtirok etdi.

Joriy yilning 4–7-mart kunlari Amerika Qo‘shma Shtatlarining Nyu-York shahrida Birlashgan Millatlar Tashkiloti (BMT) Bosh qarorgohida Statistika komissiyasining [navbatdagi 56-sessiyasi](#) o‘tkazildi. Mazkur tadbirda O‘zbekiston Respublikasi Milliy statistika qo‘mitasi delegatsiyasi ishtirok etdi.

Joriy yilning 20-mart kuni O‘zbekiston Respublikasi Milliy statistika qo‘mitasida O‘zbekiston Respublikasi Prezidentining iqtisodiy rivojlanish, samarali boshqaruv va xalqaro hamkorlik masalalari bo‘yicha maslahatchisi [Suma Chakrabarti bilan uchrashuv](#) bo‘lib o‘tdi.

Joriy yilning 20-mart kuni O‘zbekiston Respublikasi Milliy statistika qo‘mitasida Yevropada xavfsizlik va hamkorlik tashkiloti (YXHT)ning O‘zbekistondagi loyihalar koordinatori Antti Karttunen va O‘zbekiston Respublikasi Milliy statistika qo‘mitasi raisi bilan [uchrashuvi](#) tashkil etildi.

2025-yilning 18-20-mart kunlari Shveysariyaning Jeneva shahrida Avstraliya, Estoniya, Finlyandiya, Germaniya, Qozog‘iston, Niderlandiya, Shvetsiya va AQSH, shuningdek, Barqaror rivojlanish bo‘yicha maslahat va tadqiqot instituti, Yevrostat, XVF, UNEP va UNSD, OECD hamda UNECE kabi xalqaro tashkilotlar tomonidan tashkil etilgan ekologik-iqtisodiy hisob tizimi (SEEA)ni joriy etish bo‘yicha [o‘ninchi seminari](#) bo‘lib o‘tib, unda Milliy statistika qo‘mitasidan Qishloq xo‘jaligi va atrof-

muhit statistikasi boshqarmasi Qishloq xo'jaligi statistikasi bo'yicha yig'ma tahliliy axborotlarni shakllantirish bo'limi mutaxassisi ishtirok etdi.

2025-yilning 28-mart kuni Milliy statistika qo'mitasida O'zbekiston Respublikasi Prezidentining "Statistika ishlarini tashkil etish va yuritish tizimini yangi bosqichga olib chiqish bo'yicha qo'shimcha chora-tadbirlar to'g'risida" PF-27-son Farmonining mazmun-mohiyati mavzusida [matbuot anjumani](#) o'tkazildi.

Joriy yilning 28-mart kuni O'zbekiston Respublikasi Milliy statistika qo'mitasida Yevropa Ittifoqining O'zbekistondagi missiyasi ofisi vakillari bilan [uchrashuv](#) o'tkazildi.

Jamoatchilik kengashi Milliy statistika qo'mitasi faoliyatini ommaviy axborot vositalarida yoritish bo'yicha bajarilayotgan ishlarning natijalarini tahlil qiladi, ularning samaradorligini oshirish va mavjud kamchiliklarni bartaraf etish yuzasidan takliflar ishlab chiqadi. Bu borada qilingan ishlarga to'xtaladigan bo'lsak, 2025- yil I choragida Axborot va media markazi tomonidan qo'mita faoliyati va statistik ko'rsatkichlarni keng jamoatchilikka yoritish maqsadida quyidagilar amalga oshirildi:

- qo'mita rahbariyati va mutaxassislarining tahliliy maqolalari [gazeta va jurnallarda](#) yoritib borilmoqda;
- qiziqarli statistik ma'lumotlar asosida [infografika roliklari](#) tayyorlanib, respublika telekanallarida efirga uzatilib kelinmoqda;
- qo'mitaning, Axborot va media markaz rahbarining ijtimoiy tarmoqlardagi rasmiy sahifalarida doimiy tarzda 10 ga yaqin statistik ma'lumotlar va yangiliklar yoritilmoqda;
- qo'mitaning [rasmiy veb-sayti](#)da hafta mobaynida doimiy ravishda 30 ga yaqin yangiliklar joylashtirilmoqda;
- foydalanuvchilar uchun oylik, choraklik va yillik tahliliy [press-relizlar](#), dokladlar 3 tilda e'lon qilinmoqda;
- qo'mitaning [rasmiy veb-sayti](#) hamda [telegram](#) kanallari, [facebook](#), [Instagram](#), [Twitter](#) sahifalari to'liq yuritilib, foydalanuvchilarning murojaatlariga javob berib borilmoqda;
- har kuni eng ommabop [telegram kanallari va internet saytlari](#) uchun alohida qiziqarli qisqa topiklar tayyorlanib, keng jamoatchilikka tezkorlik bilan yetkazilishi ta'minlanmoqda;
- doimiy tarzda tashkil etiladigan matbuot anjumanlari, ochiq muloqotlar va davra suhbatlari jarayonlari facebookda onlayn yoritilmoqda;
- Axborot xizmati doimiy tarzda OAV xodimlari, jurnalistlar va blogerlarning savol va murojaatlariga o'z vaqtida javob qaytarib kelmoqda.

**Jamoatchilik kengashi yig'ilishi kun tartibidagi 1-masala yuzasidan
kengash a'zolari qaror qiladi:**

1. Jamoatchilik kengashi raisi Y. Abdullayevning 2025-yil I choragi yakuni bo'yicha kengash faoliyatiga doir hisoboti ma'lumot uchun qabul qilindi.

2. Nufuzli xorijiy tashkilot vakillari bilan tashkil etilayotgan uchrashuvlar haqida o'z vaqtida xabar berilib, soha xodimlarining o'zlashtirayotgan tajribalari haqida muntazam ravishda materiallar tayyorlanib, rasmiy veb-saytda e'lon qilinishi ta'minlasin.

3. Jamoatchilik kengashi tomonidan xodimlar malakasini oshirish bo'yicha tashkil etilayotgan turli tadbir, seminar hamda o'quv kurslarini OAVda keng yoritish ta'minlansin.

II. “2025-yil uchun Statistika dasturi” doirasida 2025-yil I chorak yakuni bo'yicha bajarilgan ishlar to'g'risida A. Ikramovning hisoboti tinglandi.

Dasturga muvofiq, 2025-yilning yanvar-mart oylarida jami **787 ta** statistika ishlari belgilangan muddatlarda va to'liq hajmda bajarildi, shundan **396 tasi** Milliy statistika qo'mitasi va uning organlari tomonidan, **226 tasi** rasmiy statistikaning boshqa tayyorlovchilari tomonidan va **165 tasi** boshqa vazirlik, idora va tashkilotlar tomonidan bajarildi.

Milliy statistika qo'mitasi tomonidan iqtisodiyot sohalari hamda tarmoqlari rivojlanishi maqsadli kompleks dasturlari monitoringi uchun doimiy ravishda miqdoriy ko'rsatkichlar shakllantirib borildi, hududlar hamda iqtisodiyot tarmoqlari rivojlanishi holatini kompleks tavsiflovchi tahliliy-statistika ma'lumotlari har oyda Hukumatga taqdim etib borildi.

Shuningdek, 2024-yilning yanvar-dekabr uchun O'zbekiston Respublikasining ijtimoiy-iqtisodiy rivojlanishining dastlabki yakunlari bo'yicha statistik ma'lumotlar tayyorlanib, O'zbekiston Respublikasi Prezidenti Administratsiyasi, Vazirlar Mahkamasi, Iqtisodiyot va moliya vazirligi, Markaziy bank hamda boshqa vazirlik va idoralarga taqdim etildi.

2024-yilning yanvar-dekabr oylari yakunlari bo'yicha “O'zbekiston Respublikasining ijtimoiy-iqtisodiy holati” axborotnomasi (doklad) o'zbek, rus va ingliz tillarida chop etilib, O'zbekiston Respublikasi Prezidenti Administratsiyasi, Vazirlar Mahkamasi hamda tegishli vazirlik va idoralarga yuborildi.

Shu bilan birga, 2025-yil yanvar, yanvar-fevral davrlari uchun “O'zbekiston Respublikasining ijtimoiy-iqtisodiy holati” statistik risolasi 2 tilda (o'zbek, rus) chop etilib, belgilangan ro'yxat asosida O'zbekiston Respublikasi Prezidenti Administratsiyasi, Vazirlar Mahkamasi hamda tegishli vazirlik va idoralarga taqdim etildi.

Statistika dasturiga muvofiq bajarilgan ishlar natijalariga ko'ra, shakllantirilgan ochiq statistika ma'lumotlari, axborotnomalar, to'plamlar, press-relizlar ko'rinishida

hamda ommaviy axborot vositalari, rasmiy veb-saytlar va ijtimoiy tarmoqlar orqali muntazam ravishda milliy va xorijiy foydalanuvchilar e'tiboriga yetkazib berildi.

Xususan, qo'mitaning ijtimoiy tarmoqlardagi rasmiy Telegram kanalida **436 ta**, Facebook sahifasida **436 ta** va Instagram sahifasida **275 ta** yangiliklar e'lon qilindi.

Shuningdek, "O'zbekiston 24" telekanalida **70 ta** infografika roliklari namoyish etildi, statistika faoliyatiga oid **10 ta** lavhalar doimiy tarzda efirga uzatilib kelinmoqda.

Milliy statistika qo'mitasi rasmiy veb-saytining "Ochiq ma'lumotlar" bo'limida makroiqtisodiy ko'rsatkichlar, milliy hisoblar, narx va indekslar, sanoat, qishloq xo'jaligi, aholi turmush darajasi va boshqa qator statistika yo'nalishlari bo'yicha **750 ta** statistika ma'lumotlari to'plamlari e'lon qilindi.

"Халқ сўзи", "Народное слово", "Янги Ўзбекистон", "Правда Востока", "Birja", "Ishonch" va boshqa nashrlarda statistika ko'rsatkichlari aks etgan **10 ta** materiallar chop etildi.

Xalqaro statistika amaliyoti tavsiyalarini inobatga olgan holda, statistika sohasining turli yo'nalishlari bo'yicha 2025-yil yanvar-mart oylarida **1 ta** uslubiy qo'llanma ishlab chiqildi.

Statistika ma'lumotlari sifatini oshirish borasida hisobot topshiruvchi subyektlar o'rtasida profilaktika tadbirlari amalga oshirilmoqda.

Jumladan, 2025-yilning yanvar-mart oylarida respublikaning barcha hududlarida **28,1 mingta** respondentlarga tushuntirishlar, **17,5 mingta** yangi tashkil etilgan respondentlar profilaktika tadbirlari davomida qamrab olindi, **34,2 mingdan** ortiq bukletlar tarqatildi va **673 marta** ommaviy axborot vositalarida chiqishlar tashkil etildi.

Ochiq ma'lumotlar portali faoliyatini takomillashtirish, ma'lumotlar sifatini oshirish va ko'lamini kengaytirish borasida amalga oshirilgan ishlar natijasida, portalda e'lon qilinayotgan ma'lumotlar to'plamlari soni **7 mingdan** oshdi.

Jumladan, Milliy statistika qo'mitasi tomonidan portalda e'lon qilinayotgan statistika ma'lumotlari to'plamlari soni **2198 tani** tashkil qildi.

Milliy statistika qo'mitasining Kadrlar malakasini oshirish va statistik tadqiqotlar institutida tizim xodimlarini qayta tayyorlash va malakasini oshirish dasturiga asosan 2025-yil yanvar-mart oylarida **3 ta** o'quv kurslarida **171 nafar** xodimlarning malakasi oshirildi.

Institut tomonidan 2025-yilda amalga oshiriladigan statistik tadqiqotlar dasturiga muvofiq, 9 ta tadqiqot ishi tasdiqlangan bo'lib, shundan yanvar-mart xolatiga 1 ta tadqiqot ishi, ya'ni "Ishchi kuchi kuzatuv va ma'muriy ma'lumotlar asosida mehnat statistikasini takomillashtirish" mavzusi ustida ish olib borilmoqda.

Yuqoridagilar bilan bir qatorda, mazkur qaror doirasida "Ma'muriy ma'lumotlarni yetkazib beruvchilarning ma'lumotlar bazalarini Milliy statistika qo'mitasining axborot tizimiga integratsiya qilish va ma'lumotlarni taqdim etish reja-

jadvali”da belgilangan ishlarni bajarilishi yuzasidan yanvar-mart oylarida tegishli vazirlik va idoralar bilan texnologik yo‘riqnomalar ishlab chiqish bo‘yicha ishlar amalga oshirilmogda.

Bundan tashqari, joriy yilning yanvar-mart oylarida Milliy statistika qo‘mitasi bilan bir qator vazirlik va idoralarning axborot tizimlari o‘rtasida integratsiya jarayonlari amalga oshirildi.

Jumladan:

yanvar oyida O‘simliklar karantini va ximoyasi agentligi bilan Bozor narxi yig‘ma ma‘lumotlarining ma‘lumotlar bazasi va “Raqamli hukumat” tizimi idoralararo integratsiyalashgan platformasi/raqamli ma‘lumotlar platformasi (IIP/RMP) bilan elektron hamkorlik bo‘yicha ma‘lumotlar almashinuvi yo‘lga qo‘yildi;

fevral oyida Iqtisodiyot va moliya vazirligining davlat xaridlari maxsus axborot portali bilan o‘zaro elektron ma‘lumotlar almashinuvi yo‘lga qo‘yildi;

O‘zbekiston texnik jihatdan tartibga solish agentligi bilan “Respublikada ishlab chiqarilgan va import qilingan maxsulotlarga berilgan sertifikatlar to‘g‘risida” uch yoqlama texnologik yo‘riqnoma tasdiqlanib, integratsiya yo‘lga qo‘yildi;

mart oyida Elektron hukumat loyihalarini boshqarish markazi bilan Iste‘mol narxlari indeksi (inflyatsiya) ma‘lumotlarining ma‘lumotlar bazasi va “Raqamli hukumat” tizimi idoralararo integratsiyalashgan platformasi/raqamli ma‘lumotlar platformasi (IIP/RMP) bilan elektron hamkorlik yo‘lga qo‘yildi.

Jamoatchilik kengashi yig‘ilishi kun tartibidagi 2-masala yuzasidan kengash a‘zolari qaror qiladi:

1. “2025-yil uchun Statistika dasturi” doirasida 2025-yil I chorak yakuni bo‘yicha bajarilgan ishlar to‘g‘risida hisobot ma‘lumot uchun qabul qilinsin.
2. Milliy statistika tizimini yanada rivojlantirish yuzasidan kelgusida bajarilishi lozim bo‘lgan ishlar bo‘yicha aniq rejalar ishlab chiqilsin.
3. Statistika dasturining bajarilishi va statistika sohasidagi metodologiyani takomillashtirish bo‘yicha tegishli chora-tadbirlar ishlab chiqilsin.

III. Xalqaro hamkorlik va axborot almashinuvi hamda Milliy barqaror rivojlanish maqsadlari bo‘yicha amalga oshirilayotgan ishlar bo‘yicha Z. Ziyayevning hisoboti eshitildi.

Xalqaro tashkilotlar bilan sohani rivojlantirish, ilg‘or tajribalar va zamonaviy uslubiy tavsiyalarni amaliyotga joriy etish yuzasidan yaqindan hamkorlik hamda mamlakat ko‘rsatkichlarini xalqaro axborot bazalarida aks ettirish yuzasidan axborot almashinuvi aloqalari yo‘lga qo‘yildi.

2025-yilning yanvar-mart oylarida xalqaro tashkilotlarning **18 ta** savolnomalari, jumladan, BMT Statistika bo‘limining **5 ta**, YuNESKO statistika institutining **3 ta**, MDH Davlatlararo Statistika Qo‘mitasining **3 ta**,

Xalqaro avtomobil yo'llari federatsiyasining **1 ta** va boshqa xalqaro tashkilotlarning **6 ta** savolnomalari to'ldirilib, taqdim etildi.

Bundan tashqari, **4 ta** xalqaro ma'lumotlar bazalaridagi, xususan XVJning kengaytirilgan Ma'lumotlarni tarqatishning umumiy tizimi doirasida, MDH va "COMTRADE" ma'lumotlar bazalarida O'zbekistonning statistika ko'rsatkichlari o'z vaqtida yangilandi.

Jumladan, tovarlar savdosi bo'yicha BMTning "COMTRADE" axborot bazasida **4492 ta** tovar turlari bo'yicha O'zbekiston Respublikasi ma'lumotlarini har oyda yangilab borilishi ta'minlandi.

XVJning kengaytirilgan Ma'lumotlarni tarqatishning umumiy tizimi (e-GDDS) doirasida **275 ta** indikator bo'yicha ma'lumotlar to'plamlari har oyda muntazam yangilab borilmoqda.

Bundan tashqari, XVJning kengaytirilgan Ma'lumotlarni tarqatishning umumiy tizimidan (e-GDDS) Ma'lumotlarni tarqatishning maxsus standartiga (SDDS) o'tish yuzasidan zarur tadbirlar amalga oshirilmoqda.

Barqaror rivojlanish sohasidagi milliy maqsad va vazifalarni amalga oshirish yo'nalishida monitoringni yo'lga qo'yish masalalarida

O'zbekiston Respublikasi Vazirlar Mahkamasining 2022-yil 21-fevraldagi "2030- yilgacha bo'lgan davrda barqaror rivojlanish sohasidagi milliy maqsad va vazifalarni amalga oshirishni jadallashtirish bo'yicha qo'shimcha chora-tadbirlar to'g'risida" 83-son qarori qabul qilingan.

Ushbu qarorning 1-ilovasi bilan **2030-yilgacha bo'lgan davrda barqaror rivojlanish sohasidagi milliy maqsad va vazifalari** sifatida O'zbekiston uchun dolzarb hisoblangan **16 ta** milliy maqsad va BRMning **126 ta** milliy vazifalar ro'yxati tasdiqlangan.

*Ma'lumot uchun: Global miqyosda **17 ta** maqsad **169 ta** vazifa va **232 ta** indikator tasdiqlangan.*

Shuningdek, mazkur qarorning 2-ilova bilan tasdiqlangan, 2022–2026- yillarda barqaror rivojlanish sohasidagi milliy maqsad va vazifalarga samarali erishish bo'yicha chora-tadbirlar rejasi ijrosini ta'minlash maqsadida, Milliy statistika qo'mitasi hamda Barqaror rivojlanish maqsadlarining milliy indikatorlari bo'yicha idoralararo ishchi guruhi tomonidan quyidagi ishlar amalga oshirildi:

Manfaatdor vazirlik va idoralar bilan hamkorlikda Birlashgan Millatlar Tashkiloti Statistika Komissiyasi tomonidan tavsiya etilgan Barqaror rivojlanish maqsadlari global indikatorlar tizimi asosida Milliy Barqaror rivojlanish maqsadlari indikatorlarini takomillashtirib bormoqda;

O'zbekiston uchun dolzarb hisoblangan **190 ta** indikator tasdiqlangan, shundan, **152 tasi** global indikatorlar bilan to'liq mos keladi, **28 tasi** proksi indikator va **10 tasi** milliy indikator hisoblanadi;

Barqaror rivojlanish maqsadlari bo'yicha erishilgan natijalarni kuzatib borish va ushbu sohada mamlakatdagi mavjud vaziyat to'g'risida dolzarb ma'lumotlarni foydalanuvchilarga taqdim etish maqsadida, 2019- yilda O'zbekiston Respublikasida Milliy barqaror rivojlanish maqsadlari ko'rsatkichlari bo'yicha veb-sayt ishlab chiqilgan;

Vazirlik va idoralar bilan hamkorlikda **143 ta** Milliy barqaror rivojlanish indikatorlari bo'yicha ma'lumotlar shakllantirilib veb-saytga joylashtirib borilmoqda;

Qo'mita tomonidan "O'zbekiston Respublikasida Milliy barqaror rivojlanish maqsadlariga erishish bo'yicha yillik statistik to'plam" 2019- yildan boshlab har yili o'zbek, rus va ingliz tillarida nashr etilib vazirlik va idoralar hamda O'zbekiston Respublikasida faoliyat yuritayotgan xalqaro tashkilotlarga taqdim etilmoqda, shuningdek, ushbu to'planning elektron shakli (**nsdg.stat.uz**) veb saytga joylashtirib borilmoqda;

UNICEF tashkiloti ko'magida 2021-2022- yillarda O'zbekiston Respublikasida onalar va bolalar turmush tarzini o'rganish bo'yicha Multiindikator klaster kuzatuv (MICS) o'tkazildi. Natijada **160 dan** ziyod muhim sotsial ko'rsatkichlari bilan bir qatorda Barqaror rivojlanish maqsadlarining **29 ta** indikator ko'rsatkichlari shakllantirilgan;

Birlashgan Millatlar Tashkiloti Osiyo va Tinch okeani iqtisodiy va ijtimoiy komissiyasi(ESCAP)ning SDG Tracker platformasida O'zbekiston Respublikasi sahifasi ochilib, barqaror rivojlanish maqsadlari indikator ko'rsatkichlari bilan to'ldirib borilmoqda;

Birlashgan Millatlar Tashkilotining Statistika bo'limining veb sahifasida Barqaror rivojlanish maqsadlari bo'yicha ilg'or tajribalarga ega **90 ga** yaqin davlatlar qatorida O'zbekiston Respublikasi ham qayd etilgan.

Barqaror rivojlanish maqsadlari indikatorlari sifatini ta'minlashda, Birlashgan Millatlar Tashkilotining rasmiy statistika sifatini ta'minlashning milliy asosiy tamoyillariga muvofiq amalga oshirib, xalqaro tavsiyalar asosida takomillashtirib borilmoqda.

Jamoatchilik kengashi yig'ilishi kun tartibidagi 3-masala yuzasidan kengash a'zolari qaror qiladi:

1. Z. Ziyayevning xalqaro hamkorlik va axborot almashinuvi bo'yicha amalga oshirilgan ishlar haqidagi hisoboti ma'lumot uchun qabul qilinsin.

2. Barqaror rivojlanish sohasidagi milliy maqsad va vazifalarni amalga oshirish yo'nalishida amalga oshirilgan ishlar ma'lumot uchun qabul qilinsin.

3. Qishloq xo'jaligi sohasida ro'yxatdan o'tkazish tadbirlarini tashkil etish bo'yicha tashkil etilayotgan chora-tadbirlarni jamoatchilikka yetkazish hamda OAVda keng yoritish ishlari tashkil etilsin.

IV. Aholini ro'yxatga olishga tayyorgarlik ko'rish masalalari yuzasidan amalga oshirilgan ishlar bo'yicha Ro'yxatga olish jarayonlarini tashkil etish va o'tqazish boshqarmasi boshlig'i Berdiqulov Nurbek Abduxalilovich ma'lumot berdi.

O'zbekiston Respublikasining "Aholini ro'yxatga olish to'g'risida"gi Qonuni, O'zbekiston Respublikasi Prezidentining 2019-yil 5-fevraldagi "O'zbekiston Respublikasida 2022-yilda aholini ro'yxatga olishni o'tkazish konsepsiyasini tasdiqlash to'g'risida"gi PF-5655-son Farmoni va Vazirlar Mahkamasining 2020-yil

11-noyabrdagi “O‘zbekiston Respublikasida 2023-yilda aholini ro‘yxatga olishga tayyorgarlik ko‘rish va uni o‘tkazish chora-tadbirlari to‘g‘risida”gi 710-son qaroriga muvofiq respublikamizda aholini ro‘yxatga olishga tayyorgarlik ko‘rish ishlari davom etmoqda.

Aholini ro‘yxatga olishga puxta tayyorgarlik ko‘rish yuzasidan hududlarda muntazam targ‘ibot-tashviqot ishlari o‘tkazilmoqda. 2025-yil yanvar-mart oylarida turli rasmiy veb-saytlarda 1115 tadan ortiq maqola va tezislarda joylashtirildi, televideniya 29 ta ko‘rsatuvlar, radioda 44 ta eshittirishlar, gazeta va jurnallarda 119 ta maqolalar chop etildi. Shuningdek, oliy o‘quv yurtlarida 91 ta va maktablarda 807 tadan ortiq davra suhbatlari tashkil etildi.

2025-yil 24-fevraldagi PF-27 va PQ-75da belgilangan ustuvor vazifalarni inobatga olgan holda hamda xorijiy va MDH davlatlari ilg‘or tajribalarini o‘rgangan holda Ro‘yxatga olish jarayonlarini tashkil etish va o‘tkazish boshqarmasi tomonidan yangi “O‘zbekiston Respublikasida 2025- yilda aholi va qishloq xo‘jaligini ro‘yxatga olishni o‘tkazish to‘g‘risida”gi O‘zbekiston Respublikasi Prezidentining Farmoni hamda “O‘zbekiston Respublikasida 2025- yilda aholi va qishloq xo‘jaligini ro‘yxatga olishga tayyorgarlik ko‘rish va uni o‘tkazish chora-tadbirlari to‘g‘risida”gi O‘zbekiston Respublikasi Vazirlar Mahkamasining qarori loyihasi tayyorlanmoqda.

Farmon loyihasi bilan aholini ro‘yxatga olishni o‘tkazishning **aniq sanasi** va **muddati** belgilanadi, O‘zbekiston Respublikasida 2025-yilda aholi va qishloq xo‘jaligini ro‘yxatga olishni o‘tkazishga ko‘maklashish bo‘yicha **respublika komissiyasi tarkibi** tasdiqlanadi, mas‘ul vazirlik va idoralar asosiy vazifalari belgilanadi.

Vazirlar Mahkamasining qarori loyihasida quyidagilarni tasdiqlash nazarda tutilmoqda:

- O‘zbekiston Respublikasida 2025-yilda aholi va qishloq xo‘jaligini ro‘yxatga olishga tayyorgarlik ko‘rish, uni o‘tkazish tartibi to‘g‘risidagi **Nizom**;

- O‘zbekiston Respublikasida 2025-yilda aholi va qishloq xo‘jaligini ro‘yxatga olishga tayyorgarlik ko‘rish, uni o‘tkazish, natijalarini tahlil qilish va e‘lon qilish bo‘yicha **chora-tadbirlar**;

- O‘zbekiston Respublikasida 2025-yilda aholi va qishloq xo‘jaligini ro‘yxatga olish **dasturi**;

- O‘zbekiston Respublikasida 2025-yilda aholi va qishloq xo‘jaligini ro‘yxatga olish varag‘i **shakllari ro‘yxati**;

- 2025-yilda aholi va qishloq xo‘jaligini ro‘yxatga olishni o‘tkazishga ko‘maklashish bo‘yicha **hududiy komissiyalarning namunaviy tarkibi** va ularning **asosiy vazifalari**;

- 2025-yilda aholi va qishloq xo‘jaligini ro‘yxatga olish jarayonlarida axborot-kommunikatsiya texnologiyalarini samarali qo‘llash va axborot xavfsizligini ta‘minlash bo‘yicha **ishchi guruhi tarkibi** va uning **asosiy vazifalari**.

Sinov tariqasida aholini ro‘yxatga olish natijalari va xalqaro ekspertlarning tavsiyalaridan kelib chiqib, aholiga yanada qulay bo‘lishini ta‘minlash maqsadida quyidagi 4 xil shakldagi ro‘yxatga olish savolnomalari takomillashtirildi:

1-shakl “Turar joyning xususiyatlari va unda yashovchilar ro‘yxati”;

2-shakl “Shaxsga oid savolnoma”;

3-shakl “O‘zbekiston Respublika-siga vaqtincha kelgan chet el fuqarolari uchun savolnoma”;

4-shakl “Aholining ayrim toifalariga nisbatan shaxsga doir ma‘lumotlarni yig‘ish bo‘yicha savolnoma”

5-shakl “Uy xo‘jaligini qishloq xo‘jaligi bilan shug‘ullanishi bo‘yicha savolnoma”.

2021-yil sinov jarayonlarida Internet tarmog‘i orqali va planshet qurilmalari yordamida ro‘yxatga olishda yuzaga kelgan muammolarni bartaraf etish maqsadida “Aholini ro‘yxatga olish” **axborot tizimi** quyidagilarni inobatga olgan holda takomillashtirildi:

- axborot tizimidagi ma‘lumotlarni himoyalash maqsadida demilitar server (oralik server) yaratildi, server qurilmalari konfiguratsiyasi va arxitekturasi qayta ko‘rib chiqilib, optimizatsiya ishlari bajarildi;

- demilitar server (oralik server)dagi ma‘lumotlar asosiy server tomonidan faqat bir tomonlama so‘rov orqali ko‘chirib o‘tkazish amalga oshirildi;

- so‘rovnomalarni AES protokoldan foydalanilgan holda shifrlash amalga oshirildi;

- planshet qurilmalarida barcha “Tasdiqlangan” holatidagi so‘rovnomalarni birdaniga belgilash va ularni “Agentlik serveriga jo‘natish” tugmasi bosilganda serverga jo‘natish amalga oshirildi;

- planshet qurilmalarida har bir intervyuyer foydalanuvchilari uchun tegishli bo‘lgan hudud bo‘yicha “Manzillar ro‘yxati” shakllantirish ishlari amalga oshirildi;

- planshet qurilmalarida Intervyuyer foydalanuvchilari bilan bog‘liq uchastka raqamlari avtomatik tarzda kiritilishi ta‘minlandi.

- so‘rovnomalarda axborot tizimi serverlarida birlamchi holatida (shifrlangan) holda saqlash va ularni deshifrlash imkoniyati yaratildi.

Statistika agentligining 2024-yil 26-yanvardagi 9-son buyrug‘i muvofiq, “STATA” amaliy dasturiy paketi litsenziyasi xarid qilinib, aholini ro‘yxatga olish natijalarini aks ettiruvchi **300** taga yaqin chiquvchi jadval namunalari shakllantirildi.

Hozirda 2025-yil avgust oyida rejalashtirilgan sinov tariqasida aholi va qishloq xo‘jaligini ro‘yxatga olishni o‘tkazish ishlariga uslubiy va tashkiliy tomondan tayyorgarlik ishlari olib borilmoqda.

Jamoatchilik kengashi yig‘ilishi kun tartibidagi 4-masala yuzasidan kengash a‘zolari qaror qiladi:

1. Aholini ro‘yxatga olish ishlariga tayyorgarlik bo‘yicha amalga oshirilayotgan ishlar bo‘yicha ro‘yxatga olish jarayonlarini tashkil etish va o‘tkazish boshqarmasi boshlig‘i Sheraliyev Nurbek Abduxalilovich hisoboti ma‘lumot uchun qabul qilinsin.

2. Aholini ro‘yxatga olish ishlariga puxta tayyorgarlik ko‘rish samaradorligini oshirish hamda mazkur jarayonlardan keng jamoatchilikni xabardor qilish bo‘yicha aniq chora-tadbirlar rejasi ishlab chiqilsin.

3. Aholini ro'yxatga olish ishlariga tayyorgarlik ko'rish bo'yicha ishlab chiqilayotgan chora-tadbirlarni amaliyotga joriy etish, turli tadbir va o'quv kurslarini tashkil etish masalasi nazoratga olinsin.

V. Milliy statistika qo'mitasi faoliyatida korrupsiyani oldini olish va unga qarshi kurashish sohasida olib borilayotgan ishlar holati tahlili.

Milliy statistika qo'mitasi tizimida 2025- yilning I choragi davomida korrupsiyani oldini olish va ushbu illatga nisbatan jamoada murosasiz muhitni yaratish borasida Korrupsiyaga qarshi ichki nazorat xizmati bosh mutaxassisi Melikmurotov Botir Nabijonovich atroficha ma'lumot berib o'tdi.

Xususan, Milliy statistika qo'mitasi va hududiy quyi tuzilmalarida korrupsiyani oldini olish va unga qarshi kurashish tadbirlari har chorak davomida o'tkazib kelinmoqda.

2025-yilning I choragi davomida Milliy statistika qo'mitasining markaziy apparati va hududiy statistika organlarida korrupsiyani oldini olish va ushbu illatga nisbatan xodimlarda murosasiz ko'nikmalarni shakllantirish maqsadida 45 dan ortiq targ'ibot va tashviqot tadbirlari o'tkazildi.

Milliy statistika qo'mitasida korrupsiyani oldini olish bo'yicha ishlab chiqilgan ichki idoraviy hujjatlar.

Milliy statistika qo'mitasi tomonidan 2021-yil 29-dekabrdagi 127-son buyrug'i asosida Korrupsiyaga qarshi ichki nazorat xizmati tomonidan (siyosatlar, reglamentlar, standartlar, yo'riqnomalar va nizom) tasdiqlandi.

Shuningdek, 2023-yil 5-yanvardagi "O'zbekiston Respublikasi Prezidenti huzuridagi Statistika agentligi tizimida korrupsiyaviy xavf-xatarlarni aniqlash va baholash to'g'risida" 2-son buyrug'i Korrupsiyaga qarshi ichki nazorat xizmati tomonidan ishlab chiqildi va ushbu buyruqqa asosan Milliy statistika qo'mitasi markaziy apparatida doimiy ravishda tizimda korrupsiyaviy xavf-xatarlarni aniqlash va baholash maqsadida Ishchi guruh shakllantirilib, ularning aniq vazifalari belgilandi.

Joriy yilning I choragi davomida O'zbekiston Respublikasi Prezidenti huzuridagi Statistika agentligi tizimida korrupsiya holatlari bo'yicha o'z vaqtida xabar xodimlarni rag'batlantirish maqsadida Milliy statistika qo'mitasining 2023-yil 20-iyundagi 37-son buyrug'i qabul qilindi.

Amalga oshiriladigan korrupsiyaga qarshi kurashish tartib-taomillari, manfaatlar to'qnashuvini tartibga solish.

Milliy statistika qo'mitasining 2021-yil 29-dekabrdagi 127-son buyrug'i 3-ilovasi bilan "Manfaatlar to'qnashuvini boshqarish bo'yicha Nizom" tasdiqlangan. Nizomga asoslanib, Hududiy statistika boshqarmalarida deklaratsiya Kadrlar boshqarmasi tomonidan xodimlarga tanishtirilib, imzolangan holda tegishli yig'ma jildga tikilgan. Inson resurslarini boshqarish boshqarmasi tomonidan berilgan ma'lumotga asosan,

Markaziy apparat xodimlari o'rtasida jami 14 ta yaqin qarindoshligi bor holatlar aniqlandi, ulardan hech biri bevosita bo'ysunish holati kuzatilmaganligi sababli ularga tushuntirish ishlari berildi.

Markaziy apparat va hududiy statistika organlari kesimida manfaatlar to'qnashuvining yillik deklaratsiyasi kadrlar boshqarmasi tomonidan xodimlarga tanishtirilib, imzolangan holda to'plangan.

Korrupsiyaga qarshi shartlarni Milliy statistika qo'mitasi bilan tuziladigan barcha shartnomalarga kiritish va korrupsiyaviy holatlar yuzasidan kelib tushgan murojaatlar bo'yicha.

Korrupsiyaga qarshi kurashishda Milliy statistika qo'mitasi va boshqa xo'jalik yurituvchi subektlar o'rtasida tuziladigan shartnomalarga o'zgartirish kiritish bo'yicha samarali ishlar amalga oshirildi. Masalan, xodimlarni ishga qabul qilishda mehnat shartnomalariga hamda korxonalar va tashkilotlar bilan tuziladigan konsalting shartnomalariga korrupsiyaga oid alohida band qo'shildi hamda amaliyotga tatbiq etildi.

Milliy statistika qo'mitasi va hududiy statistika organlari kesimida tashkilot tizimida kontragent tomonidan korrupsiyaga qarshi qoidalar buzilishi sababli shartnomalarni bekor qilish bo'yicha tahliliy ma'lumotlar I chorakda aniqlanmadi.

Joriy yilning I choragi davomida Milliy statistika qo'mitasida jami bolib jismoniy va yuridik shaxslardan 258 ta murojaatlar kelib tushgan. Ammo korrupsiyaviy jarayonlarga ta'luqli bo'lgan birorta ham holatlar mavjud emas.

Ishga nomzodlarni tekshirish.

Milliy statistika qo'mitasi tizimiga ishga kirish uchun nomzodlar: markaziy apparat va hududiy statistika tizimiga ishga kirish uchun (<https://vacancy.argos.uz/> orqali) ochiq tanlov asosida qabul qilinib kelinmoqda hamda nomzodlar ustidan o'tkazilgan tekshiruvlar bo'yicha barcha ishga qabul qilingan xodimlar nazoratdan o'tkazilgan.

Ta'lim va kommunikatsiya.

Korrupsiyaga qarshi kurashish bo'yicha markaziy apparat va hududiy statistika organlari kesimida o'quv-seminar yig'ilishlari (bevosita) o'tkazib kelinmoqda.

Milliy statistika qo'mitasi huzuridagi Kadrlarni malakasini oshirish va statistik tadqiqotlar institutida doimiy ravishda tizim xodimlari malaka va ko'nikmalari oshirilib kelinmoqda. Korrupsiyaga qarshi kurashishga bag'ishlangan dars soatlari yo'lga qo'yilgan.

2025- yilning I choragida **1 400 dan ortiq** Milliy statistika qo'mitasi va uning quyi tizimi xodimlariga Korrupsiyaga qarshi kurashish va muhosasiz munosabatda bo'lishga bag'ishlangan targ'ibotlarda ishtirok etishdi. 2025-yilning I choragi davomida **171 ta xodim** malaka o'quv kurslarida korrupsiyaga qarshi kurashish yo'nalishida **12 soatlik modulli darslar** olib borildi.

2025-yil I chorakda Milliy statistika qo‘mitasi tizimida **1 600 dan ortiq** korrupsiyaga nisbatan murosasiz munosabatda bo‘lishga qaratilgan **tarqatma material, bukletlar va qo‘llanmalar** tarqatildi.

Korrupsiyaviy xatti-harakatlar va huquqbuzarliklar to‘risidagi xabarlar.

Hisobot davrida xodimlarning korrupsiyaviy xatti-harakatlari, manfaatlar to‘qnashuvi, korrupsiyaga qarshi boshqa qonunbuzarliklar bilan bog‘liq masalalar to‘g‘risida xabarlar markaziy apparat va hududiy statistika organlari kesimida aloqa kanallari orqali kelib tushmagan.

Statistika agentligining 2021- yil 29- dekabrda 127-son buyrug‘I 9-ilovasi bilan “Hisobotni shakllantirish va taqdim etish bo‘yicha Nizom” tasdiqlangan. Ushbu, Nizomga asoslanib hududiy statistika boshqarmalarida tizimli ravishda o‘rganish ishlari olib borilib, 2025-yilning I choragi davomida korrupsiyaviy xavf-xatarlar aniqlanmagan.

Xodimlarni ishga qabul qilish jarayonlari to‘liq elektronlashtirilgan bo‘lib, tashkil etilgan maxsus ishchi komissiya nazorati ostida test va suhbat jarayonlari amalga oshirilib kelinmoqda.

Xodimlar tomonidan joriy yilning I choragida korrupsiyaviy xatti-harakatlar, manfaatlar to‘qnashuvi holatlari aniqlanmagan.

Ishonch telefonlari domiy ravishda nazoratga olingan va korrupsiyaviy omillar to‘g‘risida ma’lumotlar kelib tushmagan.

Monitoring va nazorat.

Hududiy statistika organlari kesimida tekshiruvlar o‘tkazish, Korrupsiyaga qarshi ichki nazorat xizmatining 2025-yil uchun tasdiqlangan reja grafikka muvofiq, amalga oshiriladi.

Tasdiqlangan reja-grafikka asosan, 2025-yilning 3 oyi davomida Toshkent viloyati va Toshkent shahri statistika boshqarmalariga o‘rganishlar o‘tkazilib, konsalting shartnomalri yuzasidan tushgan mablag‘larni sarflanishi nazoratga olindi.

Hududiy statistika organlari xodimlarining korrupsiyaga doir bilim va ko‘nikmalarini oshirish yuzasidan Korrupsiyaga qarshi ichki nazorat xizmatiga biriktirilgan xodimi Melikmurotov Botir Nabijonovich tomonidan **6 marotaba davra suhbatlari va seminarlar o‘tkazilib**, korrupsiyaviy omillarga duch kelgan taqdirda xodimlarga aynan qanday xatti-harakatlarni amalga oshirishlari lozimligi to‘g‘risida tushuntirildi.

Aniqlangan qoidabuzarliklar va ularga ta’sir choralari.

Joriy yilning I chorak yakuni bo‘yicha qo‘mita va hududiy statistika organlarida korrupsiyaga oid qoidabuzarliklar aniqlanmadi. Qoidabuzarliklar to‘g‘risidagi ma’lumotlar uchun axborot manbalari, ishonch telefoni bevosita monitoring va nazoratga olingan.

Xulosa.

Korrupsiyaga qarshi ichki nazorat xizmati tomonidan sohada korrupsiyaviy xavf-xatarlarni kamaytirish bo'yicha doimiy ravishda **Qo'mita** rahbariyatiga asosli takliflar kiritib kelinmoqda.

**Jamoatchilik kengashi yig'ilishi kun tartibidagi 5-masala yuzasidan
kengash a'zolari qaror qiladi:**

1. Qo'mitada 2025- yilning I choragi davomida korrupsiyaga qarshi kurashish tizimining faoliyati to'g'risida Korrupsiyaga qarshi ichki nazorat xizmati bosh mutaxassisi Melikmurotov Botir Nabijonovichning hisoboti ma'lumot uchun qabul qilinsin.

2. Korrupsiyaga qarshi kurashish tizimini takomillashtirish bo'yicha tashkil etilayotgan tadbir va seminarlarning Axborot va media markazi tomonidan OAVda keng yoritilishi ta'minlansin.

3. Korrupsiyaga qarshi ichki nazorat xizmati tomonidan korrupsiyaviy xavf-xatarlarning oldini olish bo'yicha aniq taklif va tavsiyalar ishlab chiqilib, amaliyotga keng joriy etilsin.

VI. Ijro intizomi bo'yicha I chorak yakuni bo'yicha bajarilgan ishlar.

Milliy statistika qo'mitasi tizimida murojaatlar bilan ishlash, aholi bilan uchrashish, sayyor qabullarni o'tkazish, jismoniy va yuridik shaxslarni qabul qilish, ularning yozma, og'zaki va elektron murojaatlarini qonunchilik talablari, asosida ko'rib chiqishni ta'minlash, belgilangan vazifalarning ijrosini to'liq va sifatli bajarilishini nazorat etish yuzasidan chora-tadbirlar rejasi ishlab chiqildi.

O'zbekiston Respublikasi Milliy satatistika qo'mitasi rahbariyati tomonidan 2025-yil I choragida Qoraqalpog'iston Respublikasi, Toshkent shahar va viloyatlardagi shahar va tumanlarda jismoniy va yuridik shaxslar murojaatlari uchun tashkil etiladigan sayyor qabul jadvaliga muvofiq, tuman va shaharlarda 9 ta sayyor qabul uchrashuvlari tashkil etildi.

Ushbu qabullarda 251 nafardan ortiq jismoniy va yuridik shaxslar ishtirok etgan bo'lib, murojaatlarning aksariyati joyida o'z yechimini topgan, muddat talab etiladigan 61 ta og'zaki murojaatlar qonunchilikda belgilangan tartibda ro'yxatga olingan hamda yozma javob xatlari murojaat mualliflariga o'z muddatlarida taqdim etilgan.

Milliy satatistika qo'mitasiga 2025-yil I choragida jismoniy va yuridik shaxslardan kelib tushgan murojaatlarning jami soni 258 tani tashkil etib, ularning 98 (38,0 %) nafar jismoniy shaxslar, 160 (62,0 %) nafar yuridik shaxslar hissasiga to'g'ri keldi.

Shundan, 41 ta murojaat O'zbekiston Respublikasi Prezidentining virtual qabulxonasi orqali, 119 tasi elektron pochta orqali, 88 tasi og'zaki murojaatlar, 10 tasi to'g'ridan – to'g'ri kelib tushgan.

Kelib tushgan murojaatlarning mazmuni yuzasidan qilingan tahlillarga ko'ra, 127 tasi (49,2 %) respublikaning ijtimoiy-iqtisodiy rivojlanish statistik ko'rsatgichlari ma'lumotlarni taqdim etish yuzasidan, 68 tasi (26,4 %) o'z faoliyatini amalga oshirish uchun amaliy yordam olish yuzasidan, 33 tasi (12,8 %) korxonalar va tashkilotlarning yagona davlat registr bazasiga kiritish, chiqarish, statistik kodlar berish masalasi yuzasidan, 16 tasi (6,2 %) statistik hisobotlarni to'ldirish va taqdim etish yuzasidan, 10 tasi (3,9 %) ish staji, ish haqi, tashkilot nomining o'zgarishi to'g'risidagi arxiv ma'lumotlari va amaliy yordam so'ralgan, 4 tasi (1,5 %) boshqa masalalar yuzasidan murojaatlar tashkil etilgan.

Milliy statistika qo'mitasiga kelib tushgan murojaatlarning asosiy qismi Toshkent shahridan 132 ta murojaatlarni (51,1 %) tashkil etgan. Shuningdek, Toshkent viloyatidan 24 ta (9,2 %), Namangan viloyatidan 18 ta (7,0 %), Qashqadaryo viloyatidan 16 ta (6,2 %), Jizzax viloyatidan 10 ta (3,9 %), Xorazm viloyatidan 10 ta (3,9 %), Navoiy viloyatidan 9 ta (3,5 %), Sirdaryo viloyatidan 9 ta (3,5 %), Andijon viloyatidan 8 ta (3,1 %), Samarqand viloyatidan 8 ta (3,1 %), Surxondaryo viloyatidan 4 ta (1,5 %), Buxoro viloyatidan 3 ta (1,2 %), Farg'ona viloyatidan 2 ta (0,8 %), Qoraqalpog'iston Respublikasidan 3 ta (1,2 %), boshqa hududdan 2 ta (0,8 %) murojaatlar kelib tushgan.

Milliy statistika qo'mitasiga kelgan murojaatlar bo'yicha jami 258 ta murojaatlardan 235 ta murojaatlarga chora ko'rilgan, 7 ta murojaatlarga tushuntirish berilgan, 16 ta murojaatlar ko'rib chiqilmoqda.

Kelib tushgan murojaatlar Milliy statistika qo'mitasi rahbariyati tomonidan nazoratga olinib, ularning barchasiga o'z muddatlarida tegishli mas'ul ijrochilar tomonidan yozma ravishda javob xati yuborilgan.

Jamoatchilik kengashi yig'ilishi kun tartibidagi 6-masala yuzasidan kengash a'zolari qaror qiladi:

1. Milliy statistika qo'mitasi huzuridagi Jamoatchilik kengashi tomonidan ijro intizomini ta'minlash borasida amalga oshirayotgan ishlarni yanada samarali tashkil etish bo'yicha chora-tadbirlar ishlab chiqilsin.

2. Jamoatchilik kengashi mas'ul kotibi (U. Abdurasulov)ga Jamoatchilik kengashining mazkur yig'ilish bayoni nusxasini Milliy statistika qo'mitasiga yetkazilishini ta'minlash vazifasi yuklatilsin.

3. Jamoatchilik kengashi yig'ilish bayoni qarori ijrosini nazorat qilishni o'z zimmasida qoldiraman.

Jamoatchilik kengashi
mas'ul kotibi

U. Abdurasulov